

Inatsisartut Suleriaasianni § 37 naapertorlugu Naalakkersuisunut apeqqute-qaatit imaattut saqqummiuppakka:

1. Tasiilami Ittoqqortoormiunilu mittarfiliornluni sanaartortoqalernissaa qaqua-gumut pilersaarutaava?
2. Tasiilami mittarfeqalerpat Kulusummi mittarfik sumut atorneqarsinnaas-sava?
3. Ittoqqortoormiuni mittarfeqalerpat Nerlerit Inaanni mitarfik sumut atorne-qassava?
4. Tasiilami Ittoqqortoormiunilu mitarfeqalerneratigut illoqarfinnut pineqar-tunut takornariat qanoq amerlatigisut tikittalernissaat naatsorsuutigineqar-pa?
5. Tasiilami Ittoqqortoormiunilu mittarfeqalerneratigut illoqarfinni pineqar-tuni inissiisarfeqarnikkut annertusaasoqassava?
6. Tasiilami Ittoqqortoormiunilu mittarfeqalerneratigut illoqarfinni pineqar-tuni suliffissat qassit sumullu sammisut pilersinneqarnissaat naatsorsuuti-gineqarpa?

(Laura Táunâjik, Siumut)

Tunngavilersuut:

Naalakkersuisooqatigiit isumaqatigiissutaanni takuneqarsinnaasutut Nunatsinni nutaanik mittarfiliornissat pilersaarutaapput, aamma taakkununnga ilaatinneqartut paasinarpooq Tasiilami Ittoqqortoormiunilu timmisartunut suluusalinnut mittarfili-orthoqarnissaa. Nutaanik mittarfiliortiterup kingunerissavaa nunatsinni toqqaan-narerusumik sukkanerusumillu inunnik usinillu angallassineq. Aammalu soo-runami kingunerisinnaassallugu nunatsinnut takornariartartut amerlinerat, anga-llannermi akit appasinnerusut pilersinneqarsinnaassappata. Aammalu pilersaru-tigineqartut piviusunngortinneqarpata, taakkunani suliffeqarfinni nutaani aammalu taakku nassatarisaanik suliffissat nutaat qassit pilersinneqarsinnaanersut paaseru-sunnarpooq, tassami ullumikkut nunatta kangiani suliffisasaaleqineq annertummat.

Ulloq: 15.05. 2015
Postboks 357
3900 Nuuk
Tlf.: +299 32 20 77
Fax: +299 32 23 19
Mail: siumut@siumut.gl
Web: <http://www.siumut.gl>